

Igls meis d'otgover 2016 ò la suprastanza communal tracto tranter oter igls suandonts affars:

Lubientschas da biagier:

- Lubientscha da biagier alla Battaglia SA da Savognin pertutgont igl eriger ena seiv sen igl Mot la Cresta a Savognin e per l'installaziun d'ena tavla da reclama sen chesta seiv (Savognin, parc. nr. 3405 e Tinizong, parc. nr. 403).
- Lubientscha da biagier a Lorenzo Giovanoli pertutgont la midada da project cun adattaziun dalla fatscheda, indrez da pompa a caleira cun sondas geotermicas ed igl biagier anturn la stalla nr. 8-26 an abitaziun se Beiva (parc. nr. 10057, Veia Gelgia 27).
- Lubientscha da biagier a Jokab Gross pertutgont igl biagier aint mintgamai ena fanestra ainten la fatscheda sid ed ost dall'acla nr. 271 a Tinizong (parc. nr. 1625, Alp Surnegn).
- Lubientscha da biagier a Not Netzer pertutgont sanaziun dall'acla, far ena nova antrada cun paravent, ena sosta annexa, en tanc sainza deflusiun per rimnar fecalias ed adattaziun da taragn tar l'acla nr. 2-239 a Savognin (parc. nr. 3819, Tussagn).
- Lubientscha da biagier a Brigitt e Hanspeter Klaus-Hasler pertutgont ena sosta per autos sur la garascha sutterana existenta tar la tgesa d'abitar nr. 2-348 a Savognin (parc. nr. 3369, Veia Sur Ual 33).
- Lubientscha da biagier a Paula Stuis pertutgont igl cuvreur l'antrada davos dalla tgesa d'abitar nr. 5-230 a Parsonz cun en tetg (parc. nr. 7127, Veia Val Nandro 37)
- Lubientscha da biagier a Renzo Cavegn pertutgont l'installaziun da dus indrezs da pompa a caleira cun sondas geotermicas a Parsonz (parc. nr. 6449, Talvangas Soura nr. 27 e nr. 29).

Surdada da lavours:

- Surdo la lavour pertutgont igl catramar la piazza dalla farmada dalla posta sen igl pass digl Gelgia alla interpresa Implenja Svizra SA da Coira e la lavour da far ena seiv tranter la farmada e la veia cantunala alla Sonder SA da Mon. Igl madem mument èn er nias deliberos igls credits per las lavours.
- Surdo las lavours an connex cun la sanaziun dalla Veia Fastatg a Tinizong all'interpresa HEW SA da Favogn cun deliberar igl madem mument igl credit correspondent.
- Surdo las lavours an connex cun la sanaziun dalla Veia Cadra Soura a Riom all'interpresa HEW SA da Favogn cun deliberar a madem mument igl credit correspondent.

Ulteriours affars:

- Approvo la dumonda dalla Pendicularas Savognin SA da pudeir introduceir a parteir da l'otr'onn mintgamai er da stad ena taxa da parcar per igl parcadi a Lecscha a Savognin (staziun da val dallas pendicularas). Ena part dallas antradas vign dabung agl cumegn, causa tgi lez ò igl dretg d'utilisaziun per ena part digl parcadi.
- Piglia cunaschientscha da maniera affirmativa digl nov rapport digl Uffezi da gôt e prievels dalla nateira digl Grischun pertutgont la zona da prievel per lung digl Schletg a Savognin. Da nov è igl territori a Grava betg ple ainten ena zona da prievel blava mabagn ainten la zona melna. L'adattaziun è neida fatga an connex cun la revisiun parziala dalla planisaziun locala Grava.
- Piglia posiziun sen la consultaziun davart la revisiun totala dalla lescha da cumegns digl cantun Grischun.
- Approvo igl contract da dretg da biagier cun igl Uffezi da construcziun bassa digl Grischun pertutgont la construcziun d'en silo da sal a Furtga, Burvagn/Cunter.